



dem regulis nitatur. *v. Proposit. damnat. ab Innocentio XI. prop. 27.*

CCCLXXXIII. Si is , ad quem dirigitur sermo , verba , quæ mente retinentur , facile ex apertis verbis , aliis signis , vel substrata materia colligere possit , adest *restrictio non pure mentalis*. Hæc æquivalet sermoni ambiguō ; itaque , quando nulla est obligatio clarius loquendi , ea non erit illicita. Ita si interrogatus , *an viderit Cajum* , respondeat *se non vidisse* , non mentitur , licet eum heri videbit , quum substrata materia doceat , interrogationem de eo esse conceptam , *an bodie viderit*.

C A P U T X I I I .

De dominio , ejusque adquirendi modo simpliciter originario , sive occupatione.

CCCLXXXIV. Egimus hætenus de officiis erga alios absolutis , nunc sequuntur hypothetica , quæ cum a natura , tum simul ab aliquo hominum instituto atque eorum factis derivantur. Ac primo quidem se se offerunt specialia rerum jura ; quod enim supra cuique adseruimus jus ad res necessarias indeterminatum , nec ulli certæ rei adhærens , illud , quoniam ex sola fluit hominis natura , & in omnibus æqualiter reperitur , ad Jura connata & universalia spectat.

CCCLXXXV.



CCCLXXXV. Quoniam naturaliter omnes homines habent æquale jus , nemo eatenus gaudet jure rerum proprio , ergo non dantur natura res *singulorum* ; sed omnes sunt vacuae & nullius , sive quod idem est , in communione negativa , a qua nemo poterat excludi ; & quæ ideo *primæva* nuncupatur.

v. Virgil. I. Georg. v. 126.

CCCLXXXVI. Inde fluit 1.) ut in eo statu omnes quidem haberent jus in omnia , sed sine cuiusquam exclusione , 2.) ut tam res , quæ sponte nascebantur , quam quæ industria & labore , ab omnibus vi legis naturalis ad mutuam felicitatem adhibendo , producerentur , essent quasi in medio positæ & nullius propriæ ; 3.) ut cuique daretur jus ad actus necessarios pro jure illo ad res exercendo , v. g. capienda fera , pomo decerpendo , ponenda habitatione , transeundo per quævis loca , modo nemo læderetur . Quo sensu *unum cunctis suis patrimonium* , dixit JUSTINUS XLII I. I.

CCCLXXXVII. Rem apprehendere est illam ita suæ potentia subjicere , redigere *in suas vires physicas* , ut usui possit servire cum aliorum exclusione . Quia usus rei , quæ consumuntur , uni tantum prodesse potest , nec ab usu apprehenso quempiam licet excludere si ne læsione , is , qui semel rem tenebat , non potuit illa privari , sed in pari causa melior fuit ejus conditio . Hinc & hoc jus rerum ad iura perfecta pertinuit . v. Cic. Fin. III 20.

CCCLXXXVIII.



CCCLXXXVIII. Aucto humano genere, sponte nata non suffecissent omnibus; major erat necessaria cultura, nec non assiduus labor ad res industiales & artificiales producendas. Sed frigescente amore mutuo & legum naturalium custodia, quum multi otio torpescerent, & tamen vivere vellent, alii diligentiores operam & laborem suum frastrabant; hinc oportebat res omnis generis in futuros usus apprehendere, assecurare, & animo sibi tamquam *proprias* habendi detinere, hoc est, *poscidere.**

CCCLXXXIX. Apprehensio rei nullius animo sibi habendi ut propriam, dicitur *occupatio*. Sunt ergo requisita occupationis I. ut sit res nullius, II. ut factum accedat, natura enim nulla res externa alicujus propria est; III. ut illud factum sit sufficiens ad rem nostram potestatem physicam redigendam, siue ut adsit apprehensio, rei detentio, *possessio corporalis*; IV. ut haec detentio sit cum animo rem sibi propriam habendi, *possessio juridica*.

CCCXC. Frustranea fuisse rei apprehensio & ejus possessio, si cuique licuisset possessorem turbare, aut re dejicere. Ex facto occupationis igitur orta est tam obligatio negativa aliorum se a re tali abstinenti, quam facultas moralis, seu *jus possessoris de ipsius rei substantia & consectoriis pro arbitrio disponendi*, sive declaran-

* Haec origo philosophica juris rerum proprii; historiam docet *Genes. I. 29. IX. 2.*



randi, quid fieri, vel non fieri velit, dummodo neminem laderet, quod jus dominium vocatur. Est itaque dominium *Jus in re, Jus realē*, quod personæ competit in re sine respectu ad aliquam personam. v. L. i. D. de adq. vel am. possess.

CCCXCI. Si plures eamdem rem occupant simul, omnibus competit æquale jus & reliquos possunt excludere; itaque habent *co-dominium*, quod alias dicitur *communio positiva*. Ast si ex illis pluribus nemo habeat partem juris proprii, sed res sit universitatis, ut in monasteriis, adest *communio mixta*.

CCCXCII. Id, quod est medium sufficiens adquisitionis, modus dicitur, estque alius *originarius*, si res nullius est; alius *derivativus*, si res jam sit alicujus propria. Ratio autem, ex qua intelligitur justitia acquirendi, est *titulus*. Igitur ab initio titulus seu causa remota dominii fuit *jus conatum occupandi*, modus autem seu causa proxima fuit ipse actus occupationis, quæ porro sola est modus acquirendi dominium *originarius simpliciter talis*.

CCCXCIII. Ex dictis sequentes deducuntur conclusiones : I. ut qui potest tam physice, quam moraliter, & vult, is rem adquirat, II. ut tamen prior tempore sit potior jure, III. ut res a nobis occupata, & dominium sint in *τῷ nostro*; quæ vero occupantur ab aliis, sint in *τῷ alterius*, & sine læsione auferri nequeant, IV. ut dominium non sit jus *connatum*, sed



adquisitum. V. ut introducto dominio cessa-
verit pars status originarii, diversa accesserint
jura, & aliqua invaluerit inæqualitas.

CCCXCIV. Sunt, qui hancce dominii ori-
ginem redarguunt. Primo enim ajunt, res, ad
quas omnes homines jus connatum habent,
unanimi tantum eorum voluntate occupari
potuisse. Tum putant multis hoc modo ni-
miam rerum copiam obtigisse, quibus porro
alii cogantur non sine injuria carere. Respon-
dent Grotius *, ac Pufendorfius **, res com-
muni olim voluntate fuisse divisas, datamque
simul cuique facultatem, quod reliquum erat,
exinde occupandi, adeoque modum adqui-
rendi antiquissimum & originarium etiam d-
visionem faciunt.

CCCXCV. Enimvero haud opus est hisce
ambagibus. Communio enim rerum primæ-
va positiva non fuit, sed negativa, in qua
omnia erant nullius, & quasi in medio posita;
itaque jus rerum connatum jus tantum erat
apprehendi res vacuas, non vero jus impe-
diendi, ne eas alii, si vellent, & possent, oc-
cuparent. Quare quum nemini fieret injuria
per hujusmodi occupationem, necesse etiam
non erat aliorum declarationem expectare.
Ceterum, quanta cuique esset indigentia, id
ejus arbitrio erat relinquendum, si modo res
necessariae singulis superessent. *v. Gen. I. 29.*

CCCXCVI.

* L. II. C. II. §. 1. n. 5.

** J. N. & G. L. IV. C. IV. §. 4.



CCCXCVI. Res ex possunt occupari, quæ
1.) sunt nullius, vel a domino derelictæ, quas
scilicet non vult amplius in $\tau\omega$ suo habere,
2.) quæ usibus nostris infervire possunt, 3.)
quæ sunt exhausti usus & apprehensionis at-
que custodiæ capaces, sive sint inanimatæ, tam
mobiles, quam immobiles, sive animatæ, v. c.
pisces, volucres. Quum enim nulla nobis sit
cum brutis juris communio, dubium non est,
quin ea & occidi, & in cibum converti tuto
possint.

CCCXCVII. Hoc modo occupantur 1. res
animatæ venatione, punctione, aucupio, si modo
retibus, vel aliis instrumentis, aut etiam loco
circumsepto ita detinentur, ut aufugere ne-
queant. 2. res *inanimatæ* α) *mobiles inventione*,
v. c. gemmæ, lapilli in litore maris, thesa-
rus in loco nullius detectus. β) *immobiles*,
quum quis fundum ingreditur, terminos po-
nit, aut sepem, vel parat ad meliorem usum
industria & labore, etiamsi singulas glebas
non circumambulet. v. L. 3. §. 1. de adq. vel
om. pos.

CCCXCVIII. Contra materiam occupationis
haud constituunt res, quæ non sunt nullius,
v. c. homines, & quæ in eo sunt statu, ut
quis occuparit jus eas occupandi; quales sunt
pisces in parte fluvii occupata, thesaurus in
alieno fundo: quæ res jacentes vocantur, ne-
que sunt simpliciter nullius.



CCCXCIX. Nec occupantur res *nunquam de-relictæ*: uti bona naufragorum; *res amissæ* ve-luti e rheda cadentes, vel *fugitivæ*, si cognosci possint; nec res inexhausti usus, & quæ non possunt custodiri vel apprehendi, ut sol, ma-re, aer; cessant enim hisce in rebus tam pos-sessio, quam reliquæ dominii causæ, & hinc in communione primæva permanserunt. *Vir-gil. En. VII. v. 229.*

CAPUT XIV.

De effectibus dominii, seu de juribus & obligationibus, quæ ex dominio nascuntur, & accessione.

CCCC. Habet dominus jus disponendi de ipsius rei substantia & consectariis. Igitur ge-neralis dominii effectus est, ut eidem vi liber-tatis naturalis etiam jus competit ad omnes actus in re sua possibiles; & ut quilibet homo obligetur, ne dominum in horum jurium exercitio turbet, ac laesionem factam refaciat.

CCCCI. Hinc vero specialia domini jura de-rivantur, I. ut rem suam possit possidere, II. omne ex illa percipere emolumentum, vel etiam III. sese possessione aut dominio, sive toto, sive pro parte abdicare; quare quisque dicitur rei suæ moderator & arbiter.

CCCCII.